







*Q. D. B. V.*

DISSERTATIO INAUGVRALIS MEDICO-CHIRVRGICA  
SISTENS

HISTORIAM BRACHII  
PRAETVMIDI

*QVAM*

AVXILIANTE DEO

CONSENSV ET AVCTORITATE  
GRATIOSI MEDICORVM ORDINIS

IN

INCLVTA NORICORVM ACADEMIA

PRO LICENTIA

SVMMOS IN ARTE SALVTARI HONORES  
ET PRIVILEGIA DOCTORALIA LEGITIME  
CAPESSENDI

A. D. V. MART. A. S. R. MDCCXXXIII

*PVBlico EXAMINI SVBMITTIT*

IOHANNES HENSELER

VLME<sup>N</sup>SIS.

---

*ALTORFII*

TYPIS IOH. GEORGII MEYERI ACAD. TYPOGR.







## PROOEMIUM.

**E***X innumeris gravibusque morbis, quibus humana progenies affligi solet, alia pathemata frequentius, alia vero rarius, accidere solent. In illis, sicuti ob experimenta crebrius capienda facilior aequae prognosis ac curatio; ita in his, qui rarius observantur, casibus, saepe plus solertiae atque iudicii requiritur, antequam naturam et therapiam insoliti morbi perspicere, et ratione assequi valeamus. Etsi vero etiam in enodandis eiusmodi affectionibus oppido raris, omnino praevaleat HIPPOCRATIS effatum: ἡ κρείττις χαλεπή! attamen non omnis aditus ad ista naturae abdita praecclusus est iis, qui maiori sedulitate penetralia eius rimantur. Quaedam enim morborum inter se est affinitas, et symptomata, quibus singuli distinguuntur, in quibusdam morbis, aliquo modo ita inter se conveniunt, ut non levem*



*analogiam , tam quoad causas , quam quoad effectus , eventum et curationem exhibeant ; utpote ex quibus phaenomenis , quasi manuducimur , ad viam inveniendam , quo demum loco morbus antea incognitus commode collocandus , et cui infirmitatum familiae is accensendus sit. Hoc ipso vero etiam methodum in mendo aliquam ingredi possumus , ea cauti prudentia , quam in aliis , iisque intricatis , et complicatis morbis , et tuto , et iucunde , et feliciter , nos aliosque usos esse novimus. Haec vero eam ob causam praemitenda censui , quod speciminis loco inauguralis , non trivium quendam , sed rarius obvium , casum Medico - Chirurgicum elaborandum mihi praefixi. Cum enim in patria mea ante hos decem annos , adhuc apud parentem meum , Chirurgum apud Vlenses haud incelebrem , (quem Deus saluum et sospitem , mihi in diuturnum solatium , diu adhuc servet ! ) iuvenis adhuc degerem , litterisque operam navarem ; accidit saepius , ut miseram istam feminam , de qua in praesenti sermonem facere constitui , saepius invisere , et non sine admiratione brachium eius praetumidum intueri potuerim. Optarem quidem , ut isto tempore omnem , tanta cum attentione et scientia , quanta ad enodandum eiusmodi casum rariorem requiritur , investigare , vel plane sectionem eius , post obitum feminae instituere potuissem ; ita enim longe minori opera , Medicam istius tumoris considerationem suscipere , variosque*



riosque dubitationum scopulos evitare valuissem. Quia vero isto tempore nil minus cogita veram, quam ut casum istum altius intimiusque repetendum, rimandumque aliquando mihi propositurus sim; eundem sollicite animo revolvere usque omiseram, donec alia vice, cum in Saxoniae Metropoli, Dresda, ante tres annos commorarer, eiusmodi casus, a priori parum alienus, mihi obversaretur, ita, ut femina quaedam, tam in brachio, quam in pede altero, tumorem eiusmodi chronicum passa, vita defungeretur, et postea cultro Anatomico dissecaretur; ubi non solum naturam et interiorem istius tumoris constitutionem praeternaturalem per sectionem inspicere, sed etiam priorem historiam, in patria olim observatam, denuo in mentem revocare, mihi licuit. Quapropter etiam nunc eandem historiam, non minus raram, quam notatu dignam, sub examinis Medico-Chirurgici incudem revocare mihi proposui. Faxit itaque DEVS, ut omnia cedant in Sui Nominis Gloriam, inque proximi languentis commodum et utilitatem.

## HISTORIA MORBI.

**M**Vlier quaedam plebeia, habitus plethorico-cachymici, annorum LXIII. iam a teneris duriori victu vitaeque genere, usa, atque in lavandis lintheaminibus, aedibusque verrendis panem quaerens, in iuventute ob mensium irregularium vitia, saepius fluore albo laboraverat, praeterea quoque plus vice simplici,



Erysipelate tam capitis , quam eiusdem , de quo sermo nunc nobis est , sinistri nempe brachii , misere vexata fuerat. Cum vero matrimonium iniisset , pristinum adsuetumque antea vitae genus neutiquam mutavit , sed fortunae haud meliori adstricta , in primo puerperio , nodos in mammis valde duros , experta fuit , qui tamen brevi temporis spatio rursus discussi fuere. Ast cum annorum aetatis suae XLVI. mensium fluxus naturalis plenarie emansisset , accidit , ut denuo tubercula quaedam in manimis perciperet , quae tamen nunquam legitimam benignamque suppurationem subiere , sed serum saltem foetidum plorando quasi , transfudandoque excrevere. Ingruente vero provectiori aetate , tubercula haec subarescere , et ad instar verrucarum indurari , visa sunt. Haud multo post tumor brachii sequebatur , quem aegra pro Erysipelate , sibi alias consueto , habuit ; inprimis quoniam post aliquot dies levis inflammatio praegressa rursus evanuit. Idem malum per aliquot annos saepius revertens experta est , donec tandem tumor in hanc , quam icone expressi , formam , magnitudinemque tantam , quae in ambitu unam et quartam ulnae Vlmensis partem aequaverat , successive accrevit. In hoc vero brachii tumore , nulla quidem foramina conspicua suborta sunt ; serum tamen ex illo haud aliter , quam olim e mammis , largiori tamen copia effluxit. Cum autem mulier ista , malum inveterascere sentiret , ob curtam autem suppellectilem , Medici operam , quam inique formidaverat , tempestive requirere neglexisset , ad Chirurgum quendam confugit , qui , etsi morbum eo iam devenisse perspexerit , ut omnem ferme medelam respuere videretur , nihilominus tamen , ne miseram omni ope destitutam relinqueret , Decoctum quod-



quoddam crebro potandum ipsi propinavit; quo adhibito, aegrotanti alvus leniter aliquoties laxata fuit, imo fluxus feri e brachio saepius intermisit, mox autem, et quidem semper largior concitatioque reversus, adeo, ut tandem uno die ad mensuram unam et supra, huius feri, praeter illud, quod in linteis remanserat, excipi in vase potuisset. Accedit et hoc, quod, quoties serum more solito non effluerat, toties infimus venter, cum pede huius lateris intumuerint. Serum vero ipsum e brachio manans, adeo acre foetidumque extiterat, ut, nisi illud contrectans Chirurgus statim post fasciarum applicationem a manibus suis ablueret, illico maculae virides exinde ipsi subortae sint. Omnem quoque meretur attentionem, quod, subsistente per aliquot dies per cutim feri effluxu, brachioque inde exsiccato, cuticula quidem sua sponte statim renasci coeperit: at vero fitis cum calore quodam febrili illam vexarit. Praeter haec dolorem nunquam, nisi aliquot horis ante novam quamque feri eruptionem, persensit, neque etiam brachium unquam, sero licet largiter effluxo, detumuit. His, cum per duos ferme annos conflictata esset passionibus, tandem febre lenta hecticaque consumpta, ante hos decem annos diem obiit supremum, et, quod quidem doleo, citra praemissam brachii praetumidi sectionem, sepulta fuit.

§. I.

**M**ulta quidem, eaque gravissima, notatu etiam omnino digna, haec morbi historia in se continet, quae considerationem Medicam exactam merentur. Ast, cum non integrum de illa tractatum, sed specimen



saltem inaugurale edere, in animum induxi meum; hinc, ne limites dissertationis transcendam, praecipua tantum huius casus momenta hic ad examen revocanda censui. Tenuitatis autem meae probe gnarus, benevolum lectorem decenter rogatum velim, si quid forsitan non accurate satis propositum invenerit, id mihi condonare, et specimen hocce studiorum meorum aequi bonique consulere velit.

## §. II.

Ordo et necessitas requirunt, ut primum inquiram, ad qualem morborum classem referenda sit ista mulieris, qua cum misere conflictata est, affectio, praesertim illa brachii? Nemo non statim mihi assensum praebebit, istam inter tumores praeternaturales, eosque respective chronicos, pertinere. Nam non ea solum, quam praefixi, (et ab amico αὐτόπτη accepī, quamque cum archetypo convenire, ipsemet olim aliquoties his meis oculis vidi,) imago, satis testatur, praetumidum adfuisse et manum et brachium, sed etiam communis et recepta apud Chirurgos et Medicos definitio tumorum isti malo competit. Etsi enim hic litem dirimere nolim, an abscessuum vox cum tumoribus pari passu ambulet; attamen generalius nomen tumoris huc magis quadrare mihi videtur. Ita enim SCHELHAMMERVS in Libr. cui titul. ὀγκολογία parva, seu de c. h. tumoribus. Sect. I. §. VIII. p. 6. tumorem recte definit, quod sit *morbis in conformatione, quo totum corpus, aut aliqua eius pars, aut pars partis, a contento subtus humore, vel solido, vel spiritu, in maiorem, quam pro naturali habitu, molem attollitur*. Haec itaque, cum etiam in brachio mulieris nostrae conveniant, utique illam tumore brachii et manus praegrandi laborasse, nemo negabit.

## §. III.



§. III.

Sicuti vero tumorum variae reperiuntur species ; ita non minus necessarium erit, hoc loco disquirere, ad qualem tumor noster prae aliis referri mereatur ? Nolo hoc loco prolixam omnium tumorum recensionem afferre, sed sollicitus tantum esse cupio, cuinam illorum speciei propius accedat noster ? Etsi autem is non ex omni parte cum vulgari oedemate convenire videatur ; nihilominus tamen haud dubito, oedematosis, iisque chronicis atque rarioribus quibusdam, tumoribus eundem accensere.

§. IV.

Equidem in denominandis huiusmodi tumoribus paucos praeceuntes habeo. Quotquot enim evolvere Auctores, et casus cum nostro convenientes reperire, licuit ; vix tamen unus vel alter Auctorum, cognomine proprio istos tumores insignire, sed alio magisque generaliori, eoque rem saepius minus tangente, titulo compellare soliti sunt. Ita HILDANVS Cent. IV. Obs. Chirurg. 69. vir celeberrimus, et in definiendis morbis alioquin satis accurate procedens, ubi historiam brachii praetumidi, cum nostra ferme parem, descripsit, tumorem istum nominavit brachium *monstrosum* ; nec minus in ACT. MED. BEROL. Dec. II. Vol. IV. p. 65. invenitur eiusmodi tumoris historia, de praetumido pede viri cuiusdam, quem *insolitum*, nec ad oedemata referendum, *pedis tumorem* nominat Auctor. Alii alio nomine usi sunt in describendis huiusmodi tumoribus. Non iam inquiram, quo iure horrendo *monstri* titulo possit notari tumor praeternaturalis, e morbo praegresso oriundus, quo membrum, antea legitime conformatum, successu autem temporis, et cum aetate demum proveciori, per morbum magis magisque deformatum est ; cum notum sit, monstra



proprie non per morbum fieri, sed nasci solere; adeoque non nisi improprie et analogice tantum monstrosis quasi, deformibusque per morbum, membris, adiudicare posse: id tamen exinde discimus, viris etiam exquisitè doctis non leve, sed omnino difficile, dubium, et perarduum opus, extitisse, huiuscemodi tumores decenti, congruo, et adaequato cognomine compellendi; mihiq; hoc magis condonandum esse, si forte non omnium assensum promeruerò, sed paullo apertius ea, quae hac in re iudicaverim, hic enunciare non dubitaverim.

§. V

Vt vero aequè dubitandi, ac decidendi, rationes simul afferam; equidem dissimulare nequeo, tumorem nostrum sequentes ob causas non omnibus oedematis vulgaris gaudere criteriis. Nam haud certo reminiscor, utrum foveae a digito impellente isti tumori potuerint imprimi? Neque in eo naturam oedematis hydropicorum explevit, quod non altius proserpendo auctus, nunquam ultra per humerum ad pectus usque et collum adscenderit, sed solum brachium a medio humeri osse ad digitos usque extremos tantum occupaverit, neque adhibitis licet externis remediis, discussionem aut resorptionem aliquam admiserit, neque mole sua imminutus, subsederit, etiamsi magna feri copia saepius ex illo effluerit. Praeterea nullae maculae rubrae gangraenodae, (quales alioquin pedes hydropicorum oedematosos, ferum tandem plorantes, una cum febre coniuncta, mortisque saepe praenuncia, occupare solent,) brachium inflammaverunt, vel gangraenoso-sphacelosum reddidere, sed potius repentinam spontaneamque cuticulae regenerationem permisere. Haec enim singula videntur obstare, quo minus tumor noster ad oedematosos vulgares, praesertim hydropicorum illos, statim referri mereatur.

§. VI



§. VI.

Quamvis autem haec antecedentia argumenta dubiam reddere videantur rationem oedematosi cognominis, tumori nostro tribuendi; plura tamen sunt, quae affirmativam tuentur sententiam. Nam sicuti non semper hydropem comitem habent omnis generis oedemata, ideoque nec ascendunt quaelibet amplius ad loca usque remotiora, nec una semper facie incedunt, sed ob varietatem tam causarum antecedentium, quam humorum intus contentorum in varias species abeunt, dum alii tumores oedematosi liquidiores, alii vero spissiores, tenacioresque humorem, qui neque resolvi aut discuti, neque repelli facile, neque in gangraenosam putrilaginem mutari sua sponte valet, in se continent: ita certum est, in tumore nostro non solum generalia oedematis criteria reperiri, sed eundem quoque ad aliquam oedematum speciem referri posse. Oedema enim in genere definiunt, quod sit *tumor phlegmaticus, frigidus, respectively mollis, pallidus, plurimum indolens, sero vappido in interstitiis membranarum fibrarumque stagnante, plurimum extravasato, repletus, foveasque ab impressione digiti aliquandiu relinquens*. Hoc magis itaque tumorem nostrum oedematosi rarioribus, particularibus, chronicisque, accensendum iudicavi, quo magis is sero copioso refertus, praetumidus, pallidus, nec (quod ex analogia alius casus, cum nostro convenientis, infraque recensendi, patebit,) steatomatico, carnoso, fungoso, vel alio duriori concremento, repletus, sed subalbus, plurimum indolens, nonnihil pellucidus, et a tali causa ortus fuit, quam etiam aliis in locis oedemata chronica produxisse, plures historiae Medicae confirmant. Praeterea quoque in eo cum oedematosi convenit tumor noster, quia ut illi repulsi e loco suo, per metastasin alias

partes occupant; ita quoque, brachii nostri fluxu seroso cohibito vel represso, statim abdomen et pes alter intumescere coeperunt.

### §. VII.

Neque vero consensu et suffragiis aliorum Clarissimorum virorum hac in re destituor. Ita auctoritate illustris SCHROECKII suffultus, in sententia mea confirmatus sum; ubi is casum quendam, cum nostro quoad praecipua convenientem, in EPHEMER. N. C. Dec. III. A. II. Obs. 226. p. 353. recensuit, eundemque tumorem *oedematofum*, ob duritiem vero insignem coniunctam, *scirrhusum* insimul, adeoque complicatum, cognominare haud dubitavit. Quodsi tamen quis sententiam celeberrimi HEISTERI, in Inst. Chir. P. II. L. IV. C. 17. p. 316. qua oedema explicatius tumorem phlegmaticum appellari posse iudicat, etiam in hoc nostro tumore definiendo sequi velit, isti haud refragabor; et per me licet, si quis alius SAPORTAE Lib. III. Cap. XII. p. 293. de Tumoribus praeter naturam, differentiam inter oedema, et tumorem aquosum intercedentem, quam ille in mollitie aquosorum maiori posuit, huc etiam referendam censeat.

### §. VIII.

Verum enim vero tam causa, quam duratio tumoris nostri, aliaque cum illo coniuncta symptomata novam suppeditant rationem, illum a vulgari oedemate discernendi, proprioque cognomine insigniendi. Dum enim ex erysipelacea, et cacochymico-scorbutica humorum dyscrasia, subortus, et diu durans, brachiumque solum occupans, et rebellis, nec discutiendus tumor fuit, nec, effluxo licet sero copioso, unquam subsedit; hinc non dubito, illum, ad differentiam reliquarum oedematis specierum, cognominare *tumorem brachii oedema-*



*oedematofum, chronicum, particularem, fixum, rebellem, eryfipelate male curato natum, eumque hoc variorum, quo pauciores cafus eiusmodi tumorum praegrandium obfervari folent.*

§. IX.

Praemiffis itaque his tumoris denominandi rationibus, ad caufas eius indagandas progredior. Primum autem ad proximam, ut vocant, caufam investigandam ordo me revocat. Hanc in humore phlegmatico, fubfiftente, et plurimum extravafato, atque corrupto, cutim membranasque magnam ob copiam diffendente, praecipue quaerendam effe cenfeo. Quam diu enim circulus fanguinis per omnes corporis partes aequalis et conveniens continuatur, et humores tanta copia et velocitate refluant, quanta advehuntur, nec cras in fuam molemque permutant, tam diu nullus tumor fpontaneus fuboritur. Vbi vero aut in folidis, aut in fluidis, aut in utrifque corporis noftri partibus vitium quoddam latet, ita, ut humores ex aliquo loco non fat expedite refluant, vel fubfiftant, extra vafa effundantur, atque aut vappescant, aut acrimoniam concipiant; fieri non poteft, quin cumulentur et partes diffendant, praefertim fi hae ipfae folidae partes naturali tono aut ftrutura fucceffive priventur, et circumagendis continendisque humoribus haud amplius fufficiant. Quapropter haud dubito, quin ftagnans, congestus, et partim extravafatus atque corruptus, vifcofus, ferosusque humor, in parte hac, atonia et ftruturae organicae vitio laborante, ceu caufa praecipua et formalis huius tumoris accufanda fit.

§ X.

Vnde vero haec mala ortum fuum traxerint, ex antecedentibus caufis nunc repetendum erit. Ex his vero fupra iam nominavimus duas; nempe partim eryfipelas male tractatum, par-



partim dyscrasiam humorum, nec non vitiosi feri abundantiam, utpote quam non solum feri copiosi effluxus e brachio, sed etiam tubercula mammarum serum plorantia, item fluor albus, quo olim mensium loco vexata erat, abunde testantur. Quod enim erysipelas, sive illud refrigerantibus et incrassantibus, sive aliis inconcinnis remediis, quibus placida et naturalis discussio et resolutio sanguinis congesti atque stagnantis impeditur, imprudenter tractatum, huiuscemodi tumores oedematosos saepe saepius post se traxerit, Auctorum fide dignissimorum multiplici experientia constat. Vt autem ex multis istis, aliquot tantum adducam exempla, ita GOHLIVS, in *Act. Med. Berol.* Dec. II. Vol. IX. p. 65. diserte affirmat: virum quendam insolito pedis sinistri tumore affectum esse, ex erysipelate humidis epithematibus tractato. ZACCVTVS LVSITANVS Lib. III. Obs. 42. p. 652. seqq. ex erysipelate nimis infrigidato atque adstricto, oedematoso-scirrhosum tumorem pedis annotavit, eiusque originem ex prava mendendi methodo variis rationibus, et suffragiis GALENI, PLANNERI et VALLERIOLOAE deduxit. Ita tumoris et exulcerationis historiam, ex adplicato super erysipelaceam manum albumine ovi, cum alumine conquassati, recenset illustris FRID. HOFFMANNVS, in *S. M. R. T.* IV. P. I. Obs. III. p. 316. et celeberrimus IVNCKERVS, in *Conspect. Chirurg.* Tab. V. p. 63. speciatim de camphora, in tumoribus erysipelaceis et phlegmonodeis iusto largius adhibita, rationem adfert, ob quam tumor eiusmodi oedematosus exinde subsequatur. Dum enim tenuior magisque florida et actiuosa sanguinis portio, a qua reliqua feri congesti, stagnantis, et spissioris copia successive resolvi et attenuari debuerat, ob usum camphorae excessivum et praematurum, aliquando citius iusto discutitur atque repellitur, fieri non potest, quin serum spissum tenaciorque lymphæ congesta relinquatur, et ita firmitus quasi im-

pacta,



paſta, tumorem eiſmodi phlegmaticum chronicumque effi-  
cere valeat. Quod etiam incrassantia et refrigerantia intem-  
pestive adhibita humorem ſtagnantem eryſipelaceum aliquan-  
do in frigidioribus ſubieſtis magis confirment, vix ulteriori  
probatione indiget.

### §. XI.

Quamvis autem ex recenſione morbi ſupra allegata  
aperte non conſtet, feminam noſtram ex eryſipelate male  
curato talem brachii tumorem immediate accepiffe; hoc ma-  
gis tamen probabile eſt, eiſ originem vel mediate ſaltem  
exinde deduci poſſe, quia femina non ſolum eryſipelas ſae-  
pius in brachio iſto experta eſt, ſed etiam a frequenti eiſ in eo-  
dem brachio recurſu, tantam ſibi in illo loco particularem  
contraxit atoniam, ut humor impurus, congeſtus, ſeroſo-  
ſanguineus facile diſcuti, et decenter reſolvi amplius haud  
potuerit. Quamvis etiam non cognitum ſit, quali incon-  
cinno remedio nominatim uſa ſit aegra. Attamen ſicuti vul-  
gus varias artes ſaeppiſſime incongruas noxiasque novit, qui-  
bus malo huic obvenire cupiant, externis ſaltem refrigeran-  
tibusque topicis; ita vel maxime opus lotricium, quod mi-  
ſera exercere tenebatur, non minimum ſine dubio contulit,  
ad atoniam brachii augendam, tumoremque phlegmaticum  
conſirmandum.

### §. XII.

Conſpirant huc reliqua phaenomena et cauſae antece-  
dentes remotiores. Cum enim non ſolum duro vitae gene-  
ri a iuventute iam ad ſenium uſque adſtricta fuerit, ex nata  
inde humorum dyſcrasia, menſium anomaliam paſſa ſit, ſed  
etiam ob refrigerationes lotricibus familiares, easque cum  
fervore calidioris aquae crebro et viciffim permutandas, nec



non ob vaporum e lintheaminibus sordidis impurorum absorptionem, non modo temperiem humorum notabiliter pervertere, et perspirationem necessariam turbare coacta fuerit, sed etiam brachii affecti atoniam insigniter auxerit; hinc mirum non est, quin ex prava humorum totius corporis dispositione, ad morbos serosos, impurique et acrioris feri genesis disposita, sed etiam ad frequentem erysipelatis in brachio recursum pronior facta fuerit. Quod enim lotricium opus sanitati non parum obstat, et morbos seroso-scorbuticos saepius proferat, id non solum quotidiana experientia probat, sed etiam Doctissimus RAMMAZINVS in libr. cui titul. *Untersuchung von denen Kranckheiten der Künstler und Handwerker.* Cap. XXV. p. m. 257. id diserte confirmat: dicens, *lotrices, quia semper humidis locis vitam agunt, manus item pedesque madidos habent, morbidae inde fiunt, et si ad senium usque huic labori incumbunt, hydropicae fiunt, plerumque etiam vitio mensium laborant, et inde in varios eosque chronicos morbos incidunt.* etc. hanc sententiam quoque supra laudatus IVNCKERVS in *Consp. Med. Theor. Pract.* Tab. LXXXVI. p. 691. his verbis confirmat: *tumoribus oedematosis obnoxius est uterque sexus, quando diu et profunde crura aquae frigidae immergit, praecipue femininus, sub fluxu mensium in lavandis lintheaminibus occupatus.*

### §. XIII.

Frequens etiam feri ex nodis mammarum extillatio spontanea, nec non tumor pedis et abdominis subinde accedens, dyscrasiam humorum serosam, quam natura ad istas partes, praesertim ad aperta loca deponere consueverat, satis prodidere praesentem. Nec mirum, exitu feri per brachium mammasque intercluso, impurum humorem alio loco, praesertim ad abdomen decubuisse, usque dum praeceuntibus dolori-



loribus congestoriis exitum sibi per brachium denuo repara-  
verit. Ea enim exsuperantis impuri feri et excretionum  
illius consuetarum est indoles, ut quasi perpetuam sui excre-  
tionem exposcat, et, nisi sub forma excrementi naturalis sa-  
tis excoqui, et per vias naturales excerni queat, aliam sibi  
novamque viam parer, quae si denuo praeccludatur, alias  
partes infestare, nec facile acquiescere prius soleat, quam  
aut pristinus exitus denuo recludatur, aut artificiali fonticulo  
inusto nova exeundi porta monstretur. Quid ergo mirum,  
siccato brachii tumidi pororum sudamine, dolores, pruri-  
tumque accessisse, usque dum stagnans acreque serum largi-  
ter transsudare rursus coeperit.

#### §. XIV.

Si internam brachii praetumidi conditionem respici-  
mus, dubium non est, illud multo sero stagnante et extrava-  
sato, viscoso tamen et vappido, repletum turgidumque fuisse.  
Pallor enim eius, et larga humoris transsudatio, aliaque in-  
dicant, non sanguinis, sed feri redundantiam ibidem substi-  
tisse. Quamvis enim ob Anatomicam inspectionem post mor-  
tem intermissam, nil certi pronunciari posse videar, attamen  
non dubito, quin eadem in conspectum venissent, qualia alio  
tempore et loco vidi in pari tumore. *Dresdae* nimirum  
femina plebeia XLV. annos nata, per aliquot annos eiusmodi  
tumorem phlegmaticum tam in brachio, quam in pede passa  
erat; ubi notatu dignum, quod, sicuti in reliquis historiis  
cum nostra convenientibus observatum fuit, ita et in hac fe-  
mina, tumor brachii non ultra medium humerum, scilicet  
non supra finem musculi deltoidis inferiorem adscenderit.  
Dissecta cute, quae ob insignem tumoris magnitudinem valde  
distenta fuerat, magnus statim ab incisione hiatus apparuit,  
ex quo serum copiosum foetidumque effluxit, et substantia



quaedam viscoso-caseosa membranulis subinde interstincta, copiosam reliquam cavitatem explevit, ossibus haud inde arrosis, musculis vero ab ista serositatis colluvie quoddammodo corruptis. Idem quod in brachio, etiam inventum est in pede; ex qua tumorum analogia non vane coniicio, pedibus eiusmodi praetumidis eandem sortem, quam brachiis huiusmodi tumentibus contingere, et utraque membra tumore simili phlegmatico chronicoque affecta, inter se plurimum comparari posse. Id quod etiam in amputato et dissecto postea pede oedematoso chronico adnotavit D. D. IAEGERSCHMIDTIYS, in Eph. N. C. D. III. A. II. Obs. 155. p. 245. qui neque carnem neque sanguinem, sed speciem gelatinae pedum vitulinorum similem, in isto invenit; certo indicio, structuram organicam maxime laesam atque perversam esse, omnemque ideo sanationis spem respuere. Quare vero intolerabilis ferme foetor, qualis in vita annotatus vix est, post mortem demum accesserit, mirum non est, cum a morte saepius citius putrilaginem concipiant partes antea iam semimortuae, et diuturna humoris stagnantis maceratione notabiliter corruptae. Siquidem in femina nostra serum transfudans ab aere accedente acorem et foetorem graviolem concepit, et in maiorem fermentationem adactus est, ita, ut manus eorum, qui isto squalore conspurcatae fuerant, nisi cito abluerentur, colore viridi tinctae sint. Si enim intra cutim adhuc detentus humor tantam acrimoniam, quantam extra illam concepisset, non solum maiorem dolorem, sed etiam repentinam carniū colliquationem, ossiumque demum arrosionem sine dubio intulisset.

## §. XV.

Antequam ad huiusmodi tumorum curationem me accingam, ut de prognosi quaedam praemittam, necesse du-



xi. Placet itaque hac in re saepius laudati SCHELHAMMERI l. c. §. 51. p. 64. sententia, quando de tumore oedematoso inquit: *qui sponte, nulla ex manifesta causa, apparet, diuturnus esse et magis rebellis assolet. In senioribus saepe incurabilis est, deficiente natura: in florente aetate vero obsecundat. Si simplex est, recedit, resorbent enim serum venae, et aliorsum abducunt: si vero depravatum illud sit, et crudum ex indigesto chylo, saepe diu affligit, et difficulter cessat, et in scirrhum quandoque degenerat, perraro enim suppuratur. etc.* Nec difficile est, invenire rationem, ob quam huiusmodi tumores chronici, nisi ab initio et tempestive medela iis afferatur, omnem ferme curationem respuant. Non solum enim humoris stagnantis copia et spissitudo vix amplius resolvenda, aut in puris laudabilis naturam maturanda, omnem eius spontaneam correctionem aut excretionem respuit, sed etiam per diuturnitatem mali, tanta solidis partibus affricatur atonia, tamque pertinax membranarum fibrarumque a vigore naturali deiection, ut amplius ad removendum iniquum hospitem haud sufficient, ut potius succi illuc delati decumbant, et in parem impuritatem seroso-viscosam commutentur atque vappescant; ne dicam, ad partem eiusmodi debilem, organicaque sua structura notabiliter privatam, quicquid in corpore alieni humoris colligitur, congeri atque deponi solere. Ex quo factum arbitror, ut femina nostra, quoties fluxus sudorque defuerat, brachiumque aridum inde factum, toties congestorii quidam et febriles motus denuo brachium deprehenderint, donec accedens pruritus effluxum revocaverit.

## §. XVI.

Vt vero, quid de nostro tumore futurum praesagendum fuerit, speciatim nunc subiungam; haud vereor asse-



rere : malum hoc, postquam non ab initio, nec tempestive sanatum est, in hac vetula cacochymica habituale iam factum, ob organicae conformationis nimiam laesionem, non solum difficile, sed etiam plane curatu impossibile fuisse; si quidem perfectam et naturalem brachii restitutionem requisiveris, etsi palliativam concesserim sanationem. Qualis etiam eventus fuerit metuendus, ipsa historia supra recensita monstrat, illum fatalem extitisse, postquam nempe corruptio brachii particularis reliquos etiam humores corporis ita corruerit, ut hectica exinde orta, vitae finem fecerit. Plura methodus medendi dabit.

## §. XVII.

Praemissis hucusque praecipuis ad morbum nostrum spectantibus momentis, unum adhuc, cuius causa antecedentia investigavimus, tractandum superest, methodus nempe medendi. Equidem omnis tumor praeternaturalis, cuius perfecta curatio requiritur, sui remotionem, qua fieri potest commoda ratione, exposcit, et quidem is, qui ab humore intus collecto protuberat, eam curationem requirere videtur, ut non solum humor alienus corrigatur, atque vel discussionem, vel resorptionem, vel excretionem, vel denique suppurationem, si fieri potest, evacuetur, sed etiam parti laesae et debilitatae tonus, vigor, et naturalis conformatio restituantur. Iam quaestio incidit, utrum brachio huic tumenti eadem, an alia, vel qualis? an vero nulla plane medela afferri potuisset? Ex prognosi quidem statim patet, e fonte pharmaceutico perfectam curationem fieri haud potuisse. Cum enim is humor in brachio huius feminae vappescens, tenax atque corruptus in corpore tam senili, et cacochymicis succis referto, praecipue autem in membro per diuturnitatem morbi, adeo longe a statu et tono fibrarum natu-



naturali recedente atque corrupto , nullam discussionem et coctionem , nullamque legitimam suppurationem amplius admisisset , in aperto est , perfectam brachii in integrum restitutionem in malo hoc iam inveterato sperandam e phar-  
 macis haud fuisse. Quamvis etiam cuticula saepe et sua sponte regenerata, spem sanationis aliquam afferre videatur , attamen carnes cuti substratas , membranasque musculis intertextas adeo mutatas fuisse , ut restitutionem integram organicamque amplius ulla arte prorsus acquirere haud forte potuerint , ex analogia eorum , quae §. XIV. in dissectionis eiusmodi tumoribus inventa sunt , non vane coniecere licet. Neque ex omnibus , quotquot evolvere licuit , historiis eiusmodi brachiorum pedumque tumore pari phlegmatico inveteratoque affectorum , quendam penitus fuisse curatum memini. Sic etiam D. D. NEBELIVS in Act. Phys. Med. Vol. I. Obs. 16. p. 57. eiusmodi fere casum recenset , qui omnia medicamenta adhibita respuebat , et si aliquando etiam malum decrefcere videbatur , mox tamen in peius conversum , donec mors finem vitae fecit. Idem etiam ex casu SCHROECKII supra laudati , videre licet ; imo GOHLIVS , in Act. Med. Berol. l. c. etsi ab usu frontis Freyenwaldensis tumorem pedis nonnihil imminutum esse refert , eundem tamen non prorsus ab illo sanatum esse fatetur. Licet etiam LOTICHIVS in Obs. et Conf. Med. L. II. C. II. Obs. III. p. 499. in casu quodam brachii praetumidi remedia suaserit varia , spemque fecerit iuvenulam istam foecundamque , adhuc aegrotantem , ab eorum usu restitui posse , quia malum nondum adeo inveteratum fuerat , haud tamen affirmare potuit is Auctor , sanatam exinde esse mulierem. Ex quibus itaque nullum sanati perfecti tumoris eiusmodi exemplum mihi constat.



§. XIIIX.

Quamvis autem e fonte pharmaceutico et diaetetico , perfecta huiusmodi tumorum rebellium curatio obtineri haud posse videatur ; attamen Chirurgia remedium amputationis , ceu extremum et ultimum , suppeditare videtur. Cum enim membrum affectum restitui haud amplius possit , et ab eius corruptione successive adaucta , grave vitae sanitatisque periculum sit metuendum ; consilium *poetae* huc referri posset , quando is suadet : *ense recidendum , ne pars sincera trahatur*. Habet etiam D. D. IAEGERSCHMIDTIVS in Eph. N. C. Dec. III. A. II. Obs. 155. p. 245. casum quendam pedis eiusmodi chronico-phlegmatico tumore per plures annos affecti , et in tantam aucti molem , ut LX. libras pependerit , et ob molestiam in incedendo virum , ceteroquin vegetum , impulerit , ut pedis istius infra genu amputationem optaverit , eandemque ab expedita Chirurghi manu passus sit. Verum etsi operatio feliciter instituta fuerit , nihilominus tamen paullo post vita excessisse virum , insimul monuit Auctor ; ex quo forsitan idem iudicium ferendum de amputatione huiusmodi membrorum oedematosorum , quod de cancri mammarum maioris et antiqui per resectionem curatione , HIPPOCRATES Aphorism. L. VI. Aph. 38. statuit , dicens : *Quibus occulti cancri fiunt , eos non curare melius est. Curati enim citius intereunt. Non curati vero longius tempus perdurant.*

§. XIX.

Quaeritur itaque , annon amputatio etiam in vetula hac tuto institui potuisset ? Equidem locus amputationi commodus aderat , et infra humerum adhuc in carne sana sectio fieri potuisset , ideo praemissa humorum interna praeparatione , operatio haec , licet alias periculosa , hic tamen tuto institui



institui potuisse videtur. Et quamquam recentiores Chirur-  
gi in recensendis tumoribus, amputationem indicantibus,  
mentionem oedematosorum non faciant; nihilominus tamen  
cum Medicorum Cicerone, CELSO, dicere possumus; *sati-  
us esse, anceps remedium adhibere, quam nullum.* Neque  
vero negaverim, id remedii genus tunc applicari tuto po-  
tuisse, si a praemissis internis remediis dyscrasia humorum  
emendata, meliorque valetudinis status affulisset, vigorque  
corporis rediisset. Varia tamen sunt, quae difficilem non  
solum, sed et noxiam, fore amputationem in nostra praesa-  
giunt. Nimirum aetas senilis, status corporis scorbutico-  
cacochymicus, virium defectus, hecticaque febricula, et  
vitae genus minus salubre, aliaque obstitisse existimo, quo  
minus amputatio locum commodum habuisset. Praeterea  
tanta saepe est in eiusmodi chronicis, et cum excretionem  
serosa coniunctis, tumoribus naturae pertinacia, ut nisi has  
excretiones praeternaturales, consuetas tamen, et quasi ne-  
cessariis et naturalibus vicarias analogasque, conservet, ha-  
beatque continuas et apertas; reliqua viscera evidens inde  
damnum percipiant, (uti id luculentissime demonstravit, Ce-  
leberrimus D. D. WEISSIVS, Professor in hac Alma Chirur-  
giae ac Anat. publicus, Praeceptor meus nunquam non de-  
venerandus, cui plurimam studiorum partem meorum in  
acceptis referendam gratus debeo,) ita ut mortis causa  
non raro inde derivanda sit, prouti ex ulceribus crurum an-  
tiquis, fonticulisque subito consolidatis, nec non e resecto  
mammarum cancro diuturno, satis patet. Neque meliorem  
eventum in nostra ab amputatione brachii sperandum fuisse,  
vel inde patet, quoniam illa, quoties effluxus feri per bra-  
chium cessavit, toties non solum pedum et abdominis tu-  
morem, sed et febriles insultus passa est, donec effluxus  
consuetus redierit. Ex quibus satis patet, valde ancipitem,  
minusque tutam, fuisse hanc operationem; ad quam persuadere



invitam, aut compellere renuentem aegrotantem, Medici non est.

§ XX.

Quoniam itaque in morbo hoc rebeli et inveterato, perfectam et plenariam curationem nullam obtineri potuisse vidimus; et tamen Medici est, quemlibet aegrotum, quousque fieri potest, in vita servare, eumque a gravioribus morbis et symptomatibus praeservare; hinc etiam in nostra aegrotante potissimum palliativa saltem curatio quendam habuisset locum. Ita affluxus uberior a brachio divertendus, corruptio eius putredinosa avertenda, virium vero et temperiei humorum restauratio promovenda fuisset: cavendo insimul a prava diaeta, repellentibus, refrigerantibusque, a quibus humor oedematosus ad interna repulsus, pessima symptomata afferre potuisset. Recte enim saepius iam laudatus IVNCKERVS in Consp. Med. Theor. Pract. Tab. LXXXVI. Cautel. 15. p. 697. *ubi oedema. inquit, quod ab externis causis ortum sumsit, iam inveteratum est, et partis adfectae debilitas, in aetate praesertim adultiore, concurrat, ibi praestat, manum detrabere, quam vel in cassum laborare, vel fortioribus motibus repulsoribus damna illa, asthmata nempe, hydropem, acutos inflammatorios, suffocativos, spasticos, ileodes, aliosque anomalos adfectus, circa abdomen inferre.*

§ XXI.

Quemadmodum vero ex antecedentibus satis liquet, in malo huiusmodi radicato nullam, nisi palliativam et imperfectam, obtinere curationem; ita haec serio nos admonent, ne ad extremum usque statum Medicinam afferendam differamus, sed ut tempestive huic malo, recenti adhuc, convenientibus occuramus remediis. Quibus vero id fieri possit, nunc dispiciendum. Optimum quidem praesidium in praeservatione est positum, qua in sanandis tumoribus erysipelaceis, aliisque, omnem adhibeamus curam, ne ullo mo-



do in huiusmodi tumores phlegmaticos degenerent. Quodsi tamen aliorum culpa id acciderit, ut phlegmaticus tumor subnatus sit, sine mora serum vappidum viscosumque resolvendum, attenuandum, et partim ad perspirationem, partim vero ad resorptionem idoneum erit reddendum; deinde, ut parti debilitatae nervinis ac roborantibus tonus naturalis restituatur, prospiciendum. Denique ut totius corporis status ab impuris succis liberetur, ne novam materiam morificam denuo suggerat, providendum erit.

### § XXII.

Ad primam indicationem requiruntur discutientia, res solventia, attenuantia, antiscorbutica tam interna quam externa, ubi insimul partim laxantibus primae viae repurgandae, partim diureticis serum copiosius evacuandum, et a brachio revellendum, denique diaphoresi aucta cutis quoque largior excretio promovenda erit. Hunc in finem ea, quae D. D. NEBELIVS l. c. (v. §. XVII.) praescripserat, nec non quae LOTICHIVS et SCHROECKIVS l. c. (v. §. XVII. et VII.) commendarunt, utique collineant; nec dubito, quin, si tempestive adhibeantur, eximium praestitura sint usum. Ita nempe praeter interna infusa, vina medicata, ex antiscorbuticis, laxantibus, aperitivis, etc. paranda, etiam externe fottus, vel cum aqua calcis vivae, (quae ex consilio SCVLTETI in Armamentario Chirurgico Obs. LXXII. p. 115. cum spongiis novis intinctis frequenter calideque applicanda,) vel etiam e rad. bryon. irid. Florent. enul. vincetox. summit. hyssop. organ. serpill. fl. chamomill. R. bacc. laur. iunip. etc. cum vino vel cerevisia coquendis, adhiberi merentur. Nec, pro re nata, scarificationes et fonticulos, coniunctis discutientibus et nervinis applicandos, dissuaserim; siquidem ab his partim serum evacuetur, partim ob dolorem a fonticulo et inustione natum, novus sanguinis affluxus, novaque fibrillarum oscillatio, humorem contentum mirifice alterans, denuo resuscitatur, et ita humor ad excretionem disponitur.

### § XXIII.



§. XXIII.

Alterum curationis momentum, quod in restaurando partis tono, totiusque corporis reparatione positum est, requirit partim interna visceralia, stomachica, et tonica, partim externe linimenta quaedam Rosae et nervina, qualia e Rosae formicar. lumbric. serpill. Nucist. express. bals. peruv. parari possunt, nec non sacculi sicci et Empl. nervina huc referenda; praeter haec a frigore, vel nimia humiditate, membrum erit defendendum. Vtrisque etiam indicationibus aliquando satisficient thermae vel acidulae minerales, Thino cathartico et Mercuriali principio refertae, observatis insimul diaetae legibus. Tandem de salivatione Mercuriali quid sperandum sit, ut subiungam; haud dubito, illam, si lymphae pertinacior spissitudo eandem exposcat, et mitiora remedia non sufficiant, in aliquibus locum habere posse.

§. XXIV.

Ita quidem tempestivam curandi rationem, licet quoad posteriora tantum perlustravimus, restat tamen, ut coronidis loco theoremata quaedam practica, e casu nostro deducenda, sub finem adnectam. Nimirum ex antecedentibus docemur: I.) Vitae genus durum, praesertim lotricium, variis, inprimis autem serosis, pathematibus valde obnoxium esse; deinde II.) eos, qui erysipellate saepius tentantur, hoc suppresso, vel male tractato, in alios, gravesque facile incidere morbos; praesertim vero III.) oedematosos a male discusso erysipellate tumores nasci; quae IV.) tempestivam curationem requirunt; quia V.) per moram et negligentiam evadunt incurabiles chronicique. Porro perspicimus, VI.) alias serosas excretiones, quales hoc loco e mammis stillare consueverant, ad hos tumores confluere, et ita novum decubitus ad partem debilem recipere; VII.) hacque excretionem consueta ab externis cohibita, phlegma impurum alio loco decumbere; VIII.) tumores particulares et chronicos non facile ultra sphaeram et altius ascendere; IX.) humorem vappidum viscosum non semper statim ossa arrodere; et licet X.) cutis interdum facile renasci soleat, nihilominus carnes substratas notabiliter alteratas corruptasque subesse posse. Plura quidem consuetudina exinde deducere possem, verum in his subsisto.